

O NOSO MUNDO

Anuario Gráfico do Colexio Salesiano “Divina Pastora” - Lugo

Edición dixital

Colexio Salesiano “Divina Pastora” - Lugo



Xuño 2020



Sumario

Páxinas Tema

- 1 Portada
- 2 Sumario
- 3 Saúdo do director
- 4-5 Innovando en tempos de corentena
- 6-7 Celebracións
- 8-9 Campañas solidarias
- 10-13 Festas e tradicións
- 14 Familia salesiana
- 15 Seguimos formándonos
- 16-22 Saídas e actividades culturais
- 23-25 Festas de Don Bosco
- 26-27 Festas de María Auxiliadora
- 28 Despedímonos de Primaria
- 29 Premios e mencións especiais
- 30-31 Orientación
- 32 Deportes
- 33 Actividades extraescolares
- 34-36 Ateibo
- 37-38 Fundación JuanSoñador
- 39 Anpa
- 40-41 Salesiani Luci Augusti—SLA
- 42-43 Agradecementos



“Coma
na
casa”

SAÚDO DO DIRECTOR

O curso 2019-2020 chegou ao seu fin. "Vaia curso!" É a primeira expresión que nos pode vir á mente a máis dun pensando nos últimos meses, pero se nos paramos a pensar con calma tamén neste curso houbo moitos momentos bos, moitos avances entre o alumnado e seguramente tamén no tempo de confinamento houbo moitas cousas boas e coas que puidermos aprender e gozar na casa. A situación vivida desde mediados de marzo non pode eclipsar todo o vivido durante os outros seis meses de curso, aínda que temos que aprender de todo o vivido.

O lema que nos acompañou ao longo do curso foi "Como na casa". Alá por setembro quixemos acentuar a importancia de coidar o ambiente de familia na nosa escola; un valor moi salesiano e que Don Bosco, o noso fundador, quixo que estivera moi presente en todas as casas salesianas do mundo porque o mellor modo de chegar ao corazón das persoas é a confianza e a relación familiar. Algúns comentan que nunca acertamos tanto cun lema, fundamentalmente polo tempo que tivemos que estar "na casa"; e creo que non lles falta razón.

Tamén neste curso coa situación vivida aprendemos que algo novo pode xurdir pois actitudes e valores que parecían esquecidos ou aos que non lles dabamos importancia recuperan a súa relevancia: o valor da preocupación e o coidado polo outro, o coidado da creación, a atención aos más desfavorecidos, a importancia de ter cerca ás persoas que queremos, o innecesario e superfluo de tantas cousas materiais... Ogallá a recuperación destes valores veña para quedarse por moito tempo entre nós.

Aproveito tamén esta ocasión para despedirme de todas e todos vós: familias, alumnos e alumnas, compañeiras e compañeiros. A valoración persoal que fago destes cinco anos en Lugo é moi positiva. Foron moitos os esforzos, a dedicación e a ilusión posta para mellorar e innovar as actividades e a organización colexial, para animar ás persoas e para buscar espazos de convivencia, encontro e celebración entre todos os membros da comunidade educativo-pastoral. Todo co obxectivo de educar e evanxelizar segundo o estilo de Don Bosco. Grazas a todos pola vosa colaboración e polo tempo compartido. Desde o meu novo destino en Madrid espero vir de cando en vez por Lugo e seguir saudándonos.

Finalmente, remato este derradeiro saúdo dando grazas a Deus e a cada un dos que fixestes posible este curso. Moitas grazas por todo e feliz verán!



Óscar Bartolomé Fernández

INNOVANDO EN TEMPOS DE CORENTENA


INinguén podía imaxinar no mes de Setembro, cando organizamos o curso 19-20, que non poderíamos levar a cabo todas as propostas innovadoras xurdidas para este curso. Ninguén podía imaxinar que os colexios estiveran baleiros, pechados da noite á mañá, coas pertenzas duns e doutros áinda nas clases... e cos proxectos finais aínda por desenvolver.

Comezamos o curso con moita ilusión e con novidades dentro da innovación. Ao proxecto colexial da **II Semana da Ciencia** sumbanse outros grandes proxectos, a **Semana do libro** e un **Proxecto de Misións Salesianas** que involucrou a toda a comunidade educativa mesturando a pastoral, a pedagoxía, o currículo, as tics e as novas tecnoloxías. O proxecto de Misións Salesianas “ A nosa casa misioneira: Proxecto Ecuador ”.

Adquiriuuse un aula de informática portátil para poder ampliar o noso traballo, máis personalizado, co alumno. Puxemos en marcha as contas Gsuite en 3º e 4º da ESO e iniciamos o uso das Chromebooks dentro da aula como unha ferramenta de aprendizaxe diferente, onde se mestura a aprendizaxe cooperativa cunha aprendizaxe individualizada do alumno. As contas Gsuite permiten o emprego de multitud de ferramentas educativas que permiten xestionar a aula como no caso do **Classroom**.

En EP traballouse con **Snappet**, unha metodoloxía dixital que personaliza a aprendizaxe do alumno en tempo real, nas áreas de Lingua Castelá, Lingua Galega, Matemáticas e Inglés. Así mesmo, en 6º EP traballouse co asistente virtual Adimat na área de Matemáticas e creáronse as contas Gsuite para estes alumnos que no vindeiro curso cambian de etapa.

En todas as etapas continuamos co traballo cooperativo, a aprendizaxe de servizo, e introducimos diferentes ferramentas de traballo, **kahoot**, **quizizz**, **gamificación**, diarios de aprendizaxe no noso día a día, así como diferentes proxectos por materias ao longo do curso.



INNOVANDO EN TEMPOS DE CORENTENA

A II Semana da Ciencia tivo lugar do 9 ao 13 de marzo. O proxecto implicou a gran parte do profesorado do colexio así como ao alumnado que puidoo gozar da Expo sobre Magallanes e Elcano.

Como xa dixen, da noite á mañá tivemos que pechar as portas, áinda con tarefas por terminar. Pero de todas as experiencias da vida podemos aprender algo e esta situación non detivo nin ao profesorado, nin ao alumnado nin ás familias. Xuntos, coma unha familia que traballa unida, soubemos sacar proveito da situación tan complicada que estivemos a vivir e puxemos en práctica todos os nosos coñecementos en innovación para poder continuar co noso traballo.

Cada tutor mantivo comunicación permanente co alumnado e coas familias durante a corentena. Ampliamos as contas Gsuite aos alumnos de 1º e 2º ESO e comezamos a realizar clases online podendo así achegarnos un pouco, e implantamos o uso do **Classroom** como ferramenta de traballo. Elaboráronse diferentes recursos para repasar contidos como os formularios de Google en EP. Propuxéronse retos aos alumnos en que fixeran vídeos ou fotos para que as nosas redes continuaran. Aínda na distancia, conseguimos realizar un pequeno proxecto para a Semana do Libro. Os alumnos de 1ºESO realizaron un Proxecto de Lingua Galega dende a casa “Adiós ríos, adiós fontes”. Os alumnos elaboraron traballos para a **Semana das Letras Galegas** e incluso fixemos un concurso para celebrar María Auxiliadora.

A formación permanente do profesorado en innovación educativa fixo que a nosa labor puidera desenvolverse o mellor posible.

Queremos destacar, dende o Equipo de Innovación a labor das familias e dos alumnos que, a diferenza dos profesores, non tiñan formación específica no emprego dalgunhas ferramentas empregadas.

Grazas por axudarnos neste final de curso tan atípico.

Begoña Méndez.



CELEBRACIÓNNS

Este curso 19-20 tan atípico que está xa a piques de rematar, foi testemuña dalgunhas das nosas celebracións relixiosas.

Pretendemos que sexan un momento de unión, de compartir, de agradecemento.

A primeira celebración que tivemos foi o Día da Familia, onde inauguramos o curso e todos os ambientes da nosa obra Salesiana de Lugo, pero este ano debido ao mal tempo tivemos que celebrala no colexio. A pesar disto contamos cun gran número de familias e pasamos unha xornada de convivencia moi gratificante.

Seguimos coas conmemoracións de María Auxiliadora, celebración de agradecemento á labor docente e celebración da imposición da cinza.

Este ano debido á suspensión das clases por mor da pandemia da COVID-19 non tivemos máis.

Sabemos que Xesús estivo acompañándonos durante todo o curso, e cunha presencia máis forte se cabe nos peores momentos que nos tocou vivir.



CELEBRACIONES



CAMPAÑAS SOLIDARIAS

A nosa escola salesiana quere formar nenos e nenas comprometidos, conscientes das necesidades do mundo no que viven, das persoas que atopan arredor, das dificultades presentes áinda no barrio, na cidade.

Pero iso non significa perder a esperanza, non somos pesimistas! Iso só significa que queremos implicarnos, queremos facer, ser xente de acción... Queremos cambiar o mundo!

Por suposto, como todos sabedes, o mundo comeza a cambiarse desde casa. Despois na propia contorna, cidade, rexión, país... Só así se pode cambiar o mundo.

Todo isto lévanos, ano tras ano, a proponer actividades solidarias con dous obxectivos principais: que sexan educativas para o noso alumnado e que teñan un impacto real na vida das persoas necesitadas.

Este ano dedicamos o primeiro trimestre a elixir, entre todos, o proxecto ao que

queriamos enviar os fondos recadados nos festivais solidarios. Cada clase elixiu un proxecto, presentouno aos demais, votaron entre todos e, por último, as familias votaron a un dos dous proxectos finalistas. Finalmente, saíu elixido un proxecto de axuda aos nenos da rúa de Ecuador, cos que están a traballar os salesianos desde fai anos e queren ofrecer unha proposta de maior calidade, con casas onde acoller os nenos e escolas para atendelos.

Tamén nos preocupamos da xente máis próxima. Un ano máis levamos adiante a despensa solidaria, distribuída ao longo do ano entre as diversas etapas para que nunca falte a axuda que tanta xente (cada día, por desgraza, máis) necesita.

E o Bocata Solidario foi outra das actividades que non poden faltar! Nós xantamos un pouco de menos para que outros poidan comer un pouco de más.



CAMPAÑAS SOLIDARIAS



FESTAS E TRADICIÓNNS

Ao longo de cada curso pretendemos sempre ter unha serie de festas e tradiciónns para o goce de toda a Comunidade Educativo-Pastoral do noso colexio. Que serve de momento lúdico e de convivencia.

O **Magosto** en EI e EP celebrámolo nos corredores das diferentes etapas, antes de pasar a comer as castañas, no salón de actos o grupiño de teatro de actividades extraescolares representounos o Milagre das castañas de Don Bosco. Que ben o fixeron!!!

A festa de **Entroido** deste ano foi diferente a de outros anos, todo EI e EP saímos a dar unha “volta á mazá”, e despois xuntámonos na Praza que agora é peonil, e alí bailamos un pouquiño ao son da música.

Entramos para o colexio e tivemos por cursos a nosa imperdoable degustación de produtos típicos desta festa (orellas, filloas, rosquillas, flores...)

En fin... pasamos un rato moi agradable!

En canto aos nosos compañeiros/as da ESO tamén tiveron o seu momento de festa no salón, onde realizaron o seu tradicional concurso de disfraces, e de verdade... estaban todos xenial.

Este ano para a celebración das **Letras galegas** realizáronse os Bos Días dedicados a Ricardo Carballo Calero e a gravación dun vídeo por parte dos membros do EDNL duns poemas do citado autor.



FESTAS E TRADICIÓNNS



FESTAS E TRADICIÓN



FESTAS E TRADICIÓN



FAMILIA SALESIANA

A Familia Salesiana en Lugo ten presenza de varios grupos: os Salesianos de Don Bosco, as Fillas de María Auxiliadora, os Salesianos Cooperadores e a Asociación de María Auxiliadora.

Este curso, como levamos facendo varios anos, ao redor da festa de Don Bosco xuntámonos para celebrar o **Día do Carisma Salesiano**. Foi unha experiencia de familia na que pudemos lembrar as nosas raíces carismáticas. Este curso a festa de María Auxiliadora, debido á pandemia, non se pudo celebrar do mesmo xeito que en ocasións anteriores. Pero na nosa cidade non faltou a celebración da novena en honra da nosa Nai. Na nosa casa seis días celebrámoslos na comunidade salesiana e os tres últimos días na parroquia da Milagrosa coas debidas medidas de seguridade.

Por outra banda, durante o tempo do confinamento foron moitos os nosos seres queridos que nos deixaron. A todos eles lembrámoslos de maneira agradecida, pero gustaríanos facer unha breve recensión de Maxi, salesiano da nosa casa de Lugo que en decembro fora a León.

Maxi estivo en Lugo uns 20 anos, despois de xubilarse como profesor no Colexio da Fundación Masaveu de Oviedo veu a Lugo para realizar, nun primeiro momento, tarefas na portería e despois co paso do tempo cada vez estivo máis retirado en comunidade polo seu deterioro físico. Os que o coñeceron, e son moitos os testemuños que temos del, lémbrano con agarimo como unha persoa afable, riseira, namorado das plantas, detallista, contaxiando bo humor... algúns o lembrarán repartindo a súa bolsiña de pereixil polas clases. Foi unha persoa cunha gran força de vontade a pesar da súa dexeneración física, non se queiría axudar sempre e en todo, non lle gustaba molestar; presente nas celebracións dos mozos ou da comunidade andador ao patio ou á capela. En definitiva, foi un home coa súa vocación, namorado de María, fiel á oración de o noso Señor, seguíndoo con autenticidade co estilo Don Bosco.

Maxi, ata o ceo!

Lembrámoste con moito



SEGUIMOS FORMÁNDONOS

Este curso seguimos a traballar nos tres eixes marcados xa hai un par de anos para a formación de toda a comunidade educativa: o mundo dixital, o mundo emocional e afectivo e o mundo das habilidades sociais.

O **alumnado** por medio das titorías tivo varios momentos nos que esta formación desenvolveuse trimestralmente, nalgúns ocasións en sesións organizadas e animadas desde o centro polo departamento de Orientación e noutras coa colaboración de organismos externos.

Coas **familias** desenvolvérónse varias iniciativas formativas. Por segundo curso consecutivo desenvolvérónse a formación en colaboración co COF. Os temas tratados foron os seguintes: 1) pais maduros, fillos felices: o reto; 2) assertividade: afrontando conflitos; 3) fillos líderes e resilientes; 4) intelixencia espiritual: educación 3.0; 5) xestión intelixente de novas tecnoloxías. Tamén aproveitamos as reunións intermedias para ter unha sesión formativa cun membro do Corpo da Policía Nacional sobre As novas e antigas adicccións. Este curso comezamos cunha sesión formativa para as familias do alumnado de Infantil, impartida pola Orientadora do centro e algunha profesora máis.

O **profesorado** segue co seu ritmo formativo intenso no campo da innovación, da identidade salesiana e na actualización nas metodoloxías das distintas áreas e materias. Foron moitos os cursos nos que se participou, ademais de asistir de maneira conxunta en varios momentos de formación coas familias.

Unha institución avanza se os seus membros se forman, se adaptan continuamente aos cambios e ás necesidades. A nosa comunidade educativa está traballando nesta dirección.



SAÍDAS E ACTIVIDADES CULTURAIS

Ademais da aprendizaxe na aula ao longo do curso gozamos aprendendo doutros xeitos. Coas saídas e actividades culturais, tanto dentro como fóra do centro, aprendemos desde a experiencia, desde o contacto directo con outras persoas, coa natureza... Visitamos vilas e cidades para coñecer a nosa historia e as nosas tradicións in situ. Grazas a estas actividades complementarias melloramos a nosa convivencia noutros ambientes distintos.

Este ano, debido á pandemia provocada pola Covid-19, non pudemos levar a a cabo moitas das actividades e saídas que tiñamos programadas na última parte do 2º trimestre e todas as da 3ª avaliación, tales como a visita que os nenos e nenas de Infantil ían facer á cerámica de Bonxe, a visita ao Museo da Enerxía dos de 3º, Estancia en Cambados para os nenos e nenas de 4º, a excursión fin de etapa dos maiores de primaria, o Camiño de Santiago dos de 5º, a saída a praia en Foz , etc. Foi unha lástima!!!. Pero aínda que o escenario cambiou demasiado , seguimos, durante este tempo xuntos, conectados e compartindo momentos de risas, alegrías, emocións, intrigas...que fixo que estes meses fosen menos difíceis e complicados. Xuntos, alumnado, familias e docentes loitamos cada día por manter vivo o cole, a pesar da distancia. E o lográmos!!!!!!

Volverá o tempo dos xogos, dos amigos e amigas, das confidencias e dos chistes, das risas, das excursións, das festas... Recuperaremos o tempo perdido!!!!



SAÍDAS E ACTIVIDADES CULTURAIS



SAÍDAS E ACTIVIDADES CULTURAIS



SAÍDAS E ACTIVIDADES CULTURAIS




SAÍDAS E ACTIVIDADES CULTURAIS



SAÍDAS E ACTIVIDADES CULTURAIS



OPERACIÓN QUILO



SAÍDAS E ACTIVIDADES CULTURAIS



FESTAS DE DON BOSCO

O centro educativo Salesianos Divina Pastora celebra todos os anos, rematando xa o mes de xaneiro, a coñecida festa de Don Bosco, en honra ao seu fundador. Faise unha celebración relixiosa e tamén diferentes actividades lúdicas.

O día 30 de Xaneiro realizouse a celebración da paz intercolexial para o alumnado de 1º de ESO, un Xesto Conxunto pola Paz na Praza da Milagrosa, a Titoría da Paz e o festival en E. I. e en 1º e 2º de E. P.

O día 31 de Xaneiro fíxose unha titoría na aula en 4º de ESO, a celebración na Parroquia da Milagrosa e tamén xogos na aula. Ao longo da mañá ofreceuse unha degustación a todo o alumnado. E rematamos a mañá co festival, os coñecidos “playbacks”.

De cara a recadar e facer algunha aportación para as misións salesianas, os días 3, 4 e 5 de Febreiro tiveron lugar as **veladas solidarias** para as familias, con finalidade benéfica, no auditorio Gustavo Freire. A recadación destinouse integralmente para os seguintes proxectos: Misións Salesianas de Ecuador, e Proxecto “Ningún neno e nena sen verán” da Federación de Centros Xuvenís Don Bosco de Galicia.



FESTAS DE DON BOSCO



FESTAS DE DON BOSCO



FESTAS DE MARÍA AUXILIADORA

Este ano a festa de María Auxiliadora, tocounos celebrala cada un na nosa casa. Dende o equipo de Pastoral non quixemos que pasara sen pena nin gloria polo que preparamos unhas actividades para facer dende a casa:

- Un Bos Días especiais o 24 de maio, onde homenaxeabamos a nosa Nai, a nosa Auxiliadora.
- Proposta de #maiosalesiano durante todo o mes de maio, ofrecemos semanalmente unha proposta de actividades, onde despois dunha lectura bíblica, un vídeo, unha reflexión e unha oración final, había a oportunidade de ir facendo semana a semana unha parte de traballo artesán para chegar a crear finalmente un altar a María Auxiliadora.
- Concurso María Auxiliadora 2020 baseado no tradicional 50 x 15 onde houbo dous gañadores, un gañador que foi o primeiro que contestou todas as preguntas correctamente, e unha gañadora que saíu do sorteo de todos os participantes.

Os días 23, 24 e 25 de maio a Comunidade Salesiana do noso colexio, ofrecíanos pero este ano de forma diferente, debido ás circunstancias que estamos a vivir, a Novena-triduo na honra de María Auxiliadora celebrada na igrexa da Milagrosa, onde participou un número axeitado de persoas.



FESTAS DE MARÍA AUXILIADORA



DESPEDÍMONOS DE PRIMARIA

Queridos alumnos e alumnas de 6º EP:

Os vosos profesores desexámosvos moito ánimo neste camiño que aínda case acaba de comezar. Non puíde-mos rematar o curso da mellor forma. Quen pensaba que non nos volveriamos a ver nos corredores de primaria! Quen pensaba que non volveriades a estar sentados na vosa cadeira e na vosa mesa! Esto rematou dun xeito demasiado raro pero sabemos que seredes fortes e seguiredes o voso camiño. Tendes un montón de desexos que cumplir e millóns de momentos para estar xuntos. Sabemos que sodes moi bos rapaces e rapazas e xuntos lograredes os vosos retos. Non esquezades que nós quedamos no corredor de embaxo e esperamos que algunha vez nos visitedes. Continuade cos vosos estudos e seguiode portándovos ben.

A etapa de secundaria é unha etapa moi fermosa, é unha etapa de cambios e decisións. Como temos falado moitas veces nesas charlas que xorden no medio dunha clase, sodes unha nova xeración, unha xeración que pode facer moito e chegar a cambialo todo, dende pequenas accións do día a día, sendo responsables, tolerantes e de mente aberta. A nosa esperanza dun futuro mellor vai con vós, e sabemos de sobra, de corazón e de mente, que sodes capaces de moito. Levade con vós todo o noso cariño, porque parte de nós vai con vós e agardamos que parte de nós forme parte de vós tamén. Grazas por vir rapaces, grazas por ser, e grazas por deixarnos compartir estes dous ou catro anos de convivencia. Querémosvos. Unha forte aperta de Alba e Javi. Que pensan os alumnos de 6º EP sobre este curso?



PREMIOS E MENCIÓN ESPECIAIS

Dentro da Campaña Pastoral "Coma na Casa", un dos temas que queriamos traballar foi a ecoloxía. En efecto, o coidado da nosa casa común é unha das tarefas más importantes do noso tempo. Por iso, tamén desde a escola quixemos axudar o alumnado a entender a importancia que ten e mostrarlle hábitos sinxelos e prácticos para coidar o medio ambiente.

Todo isto, o fixémolo ao longo do curso e, como xa o estabamos a facer, decidimos presentalo ao Premio de Innovación Pastoral que cada ano organiza Escolas Católicas de Galicia. De entre todos os colexios participantes, o noso proxecto de pastoral ecolólica foi galardoado cun terceiro premio, recoñecendo así a calidade da nosa proposta e a nosa pastoral.



CONCURSO Y SORTEO

MARÍA AUXILIADORA


SALESIANOS LUGO

24-25 de mayo del 2020

1 Premio para quien responda correctamente el mayor número de preguntas

1 Premio a sortear entre todos los participantes

Los ganadores serán publicados en las redes sociales del colegio y pasarán por el centro para recoger los premios



ORIENTACIÓN

Dende o Departamento de Orientación comezamos o curso con moita ilusión e forzas para desenvolver a nosa tarefa. Dende a nosa programación coordinamos os plans de acción titorial, académico profesional e o de atención á diversidade.

Desenvolvemos accións e actividades como:

- Actividades de titoría para o alumnado relacionadas coa afectividade, as emocións e as novas tecnoloxías. Charlas sobre violencia de xénero, igualdade, NTIC, internet segura, acoso escolar, opcións académicas e profesionais de futuro.
- Organización das medidas de atención á diversidade.
- Intervencións co alumnado a nivel académico, emocional e persoal por medio dos apoios educativos, os reforzos e os encontros co alumnado.
- Asesoramento ás familias ante demandas concretas e por medio da escola de pais.
- Coordinación cos equipos especializados alleos ao Centro.
- Formación do alumnado axuda, mediación e colaboración coas accións do plan de convivencia do centro.
- Asesoramento ao profesorado ante as actuacións co alumnado con NEAE e demandas concretas.
- Orientación académica profesional, especialmente para o alumnado e as familias de 3º e 4º da ESO, para asesorallas e orientallas sobre as súas opcións de futuro por medio de charlas, presentacións telemáticas, cuestionarios, **Classroom** con toda a información e entrevistas individuais. Co alumnado de 6º de EP realizáronse charlas co alumnado e a presentación da etapa da ESO para facilitar o tránsito a esta nova etapa.


Como toda a sociedade tivemos que reinventar e adaptar o noso traballo durante o estado de alarma causado polo COVID-19. Reformuláronse as accións previstas para o terceiro trimestre para levalas a cabo vía telemática. Destacamos a iniciativa xurdida durante este período para o alumnado dos últimos cursos de Primaria e da ESO "Na casa pero ben". O seu obxectivo foi acompañar psicoloxicamente de forma unificada e sistemática o alumnado e mais, das súas familias, dun xeito máis amable e positivo durante o tempo de confinamento. A diario compartiuuse unha experiencia dun alumno ficticio durante o tempo de confinamento, con algúns consellos e un reto.

Algúns dos temas tratados: as emocións, o exercicio, o tempo libre no fogar, as fake news, a organización do estudo e do día a día, a comunicación na familia, a ansiedade, o día internacional do Trastorno do Espectro Autista e a Hora do planeta, afectividade ou a volta á normalidade.

O vindeiro curso oxalá traballemos desde o noso segundo fogar (estamos a falar do cole) mais se non é posible seguiremos en contacto telematicamente coa mesma ilusión e ganas.



ORIENTACIÓN



DEPORTES

Seguimos fomentando o deporte educativo.

Dende o colexio Salesiano Divina Pastora de Lugo leváronse a cabo unha serie de actividades extraescolares deportivas que contaron con distintas actividades lúdicas coas que ocupar o tempo libre e extraescolar unha vez rematada a xornada lectiva: baloncesto de 1º a 6º de Educación Primaria, predeporte para toda a Educación Infantil e fútbol sala para 1º e 2º de Educación Primaria. Estas actividades encheron de alegría e diversión as instalacións do colexio ao mesmo tempo que co seu desenvolvemento fomentouse unha serie de hábitos saudables e de benestar social e emocional que fai destas actividades un complemento idóneo ao resto de actividades académicas que se realizan ao longo do ano. Este curso, por primeira vez, estas actividades realizarónse baixo a atenta mirada dos monitores de APSX Sagrado Corazón que foi a encargada de xestionar estas actividades.

Ao mesmo tempo, un equipo de categoría benxamín de fútbol 8 representounos ao longo de todo o ano nas competicións existentes na cidade a través da Federación Galega de Fútbol. Este equipo foi xestionado pola A.C.D Piringalla utilizando as instalacións públicas do noso Concello, tanto para adestrar como para xogar os seus partidos, representando o colexio por toda a provincia de Lugo.

Con estas e outras actividades como os torneos Don Bosco ou as actividades deportivas coas que celebramos o inicio de curso tentamos que o deporte estea presente na vida colexial dos nosos alumnos e alumnas.



ACTIVIDADES EXTRAESCOLARES

Este ano a oferta de actividades extraescolares foi ampla, para ofrecer o mellor servizo ao noso alumnado das tres etapas educativas e esperamos foran do voso agrado. As que se levaron a cabo este ano foron as seguintes: baile rexional, obradoiro de teatro, robótica, programación, impresión en 3D e drons, karate, inglés e patinaxe. Desenvolvéronse todas elas pola tarde e en horario de 16:00-17:00 e de 17:00-18:00 horas.

Ao comezo de curso ten que haber un axeitado número de inscritos para que a actividade se poida levar a cabo, de non ser así a actividade é anulada.

O grupo de Baile Rexional participou no Festival Solidario da Asociación de Veciños celebrado en decembro no Auditorio Gustavo Freire, onde o noso pequeno grupo de bailarinas amosaron as súas boas dotes para o baile.

O grupo de Obradoiro de Teatro participou con pequenas obras, na celebración de Nadal e no magosto colextival coa obra do Milagre de Don Bosco.

Levamos a cabo tamén varios obradoiros:

- Dous de marionetas: un feito con calcetíns, e outro de marionetas móbiles de cartón.
- Outro de máscaras polo Entroido para rematar a sesión cun baile de máscaras.
- Outro de reciclaxe facendo a vestimenta para a obra dese día.

Todo isto con momentos en cada sesión de expresión corporal e relaxación ao final da clase.

Debidos ás circunstancias que tivemos a partir de mediados de marzo pola Covid-19 foron suspendidas as actividades extraescolares.

Seguiuse levando a cabo de forma online Robótica, incluso en abril e maio, ofertándose por un módico prezo a todo o alumnado de EP e ESO, tendo unha boa acollida a iniciativa.

Neste mes de xuño e por petición dalgunhas familias a actividade continúa.

Tamén a de Baile Rexional a modo de proba dende mediados de maio.

Queremos agradecer a dispoñibilidade para levar a cabo isto tan novedoso para todos.

Tamén dar as GRAZAS a todos os monitores das diferentes actividades polo traballo realizado co noso alumnado neste curso.

E como non, darvos as GRAZAS ás familias pola confianza posta en nós.

Feliz Verán! E esperámosvos en setembro.

Unha aperta.



ATEIBO

Este vén de ser un curso atípico tamén no Centro Xuvenil, pero tratamos de adaptarnos ás circunstancias para seguir vivindo os valores cristiáns que nos ensinou Don Bosco e celebrando que levamos 30 anos medrando xuntas/os en Lugo e 125 anos en Galicia.

Este foi tamén o curso de celebrar 30 anos dos dereitos das/os nenas/os; no que vivimos aventuras coma a do “Escape Room” do 9 de novembro, miniacampadas...; celebramos unidas/os Nadal, o Día Internacional do Voluntariado, Don Bosco, entroido, día da muller...; estreamos novo sudadeiro e encontrámornos en diversos momentos formativos.

Os Saltimbanquis comenzaron vivindo a aventura de construír unha cidade onde todas e todos tiñan cabida, Saltilandia, da que cada día co esforzo conxunto conseguían levantar un novo edificio coma a escola, o teatro... representando un valor importante para a nosa vida.

Os Andaina enfrentáronse á misión de salvar un mundo futuro perdido, que agardamos nunca chegue, preocupándose por traballar valores que constrúen mellores persoas e fan posible o coidado do planeta.

Os ADS viviron unha aventura a través da televisión para ir medrando en valores como a convivencia, a confianza, a amizade... Xa sabedes “alegres, dinámicas/os e serviciais” as/os “Amigas/os Domingo Savio”.

Os grupos de Iniciación e Catecumenado camiñaron no compromiso de medrar xuntas/os e na construcción dun Centro Xuvenil que sexa casa común.

E chegou a pandemia e xurdiu #quedonacasaconAteibo e o proxecto conxunto dos Centros Xuvenís Salesianos de Galicia #AnimadoresContraOAburrimiento como alternativa de ocio, para que o Centro Xuvenil puidese estar presente nas casas e facilitar a vida do confinamento.

E así chegamos ao verán... E seguimos apostando pola conciliación da vida laboral e familiar, polo lecer nun espazo educativo, de convivencia, de valores cristiáns, de traballo en rede... Non poderemos ter os habituais campamentos cos/coas nenos/as, rapaces/zas e mozos/as doutras cidades e Comunidades Autónomas... pero si poderemos gozar xuntas/os do Campamento Urbano unidas/os nun proxecto da obra salesiana en Lugo. Informádevos na nosa web <http://www.ateibo.salesianoslugo.es/> e animádevos a participar! Reencontrémonos no verán!

E todo isto non sería posible sen o esforzo e compromiso dos/as animadores/as voluntarios/as que ofrecen o seu tempo, as súas habilidades, o seu agarimo... para construír este Centro Xuvenil Ateibo ano tras ano. Grazas!


Feliz verán a todos/as! Vémonos!



ATEIBO



ATEIBO



FUNDACIÓN JUANSOÑADOR

A FUNDACIÓN JUANSOÑADOR EN LUGO ANTE A CRISE DO COVID-19 "Tú también eres casa"

A Fundación JuanSoñador desenvolve en Lugo varios proxectos sociais nas áreas de Infancia e Familia, Formación e Emprego, Inclusión Social e Igualdade. Durante o estado de alarma os servizos adaptáronse con axilidade para seguir axudando, acompañando e dando continuidade á atención de 71 familias e 89 nenos, nenas, mozos e mozas, e 120 persoas adultas. Priorizando nun primeiro momento a cobertura de necesidades básicas urxentes e non atendidas, de alimentación, medicamentos, equipamento informático, etc. A través da colaboración de entidades privadas, donativos particulares, movementos asociativos, aos que cabe nestes momentos agradecer todo o seu apoio.

Por desgraza, á crise sanitaria únese tamén unha crise económica, que afecta especialmente ás persoas que xa se atopaban nunha situación de maior vulnerabilidade, e provocará novas situacións de pobreza.

E neste contexto lanzamos a campaña "Tú también eres casa".

Nace das realidades compartidas e do traballo e dos soños de todas as persoas que forman a Fundación JuanSoñador. Unha campaña que xorde da necesidade de seguir defendendo os dereitos de TODAS as persoas, sobre todo e con más forza se cabe, das que se atopan en situacións de maior vulnerabilidade.

María é unha das protagonistas da campaña: "María es una mujer muy comprometida, que se preocupa por sus hijos y busca soluciones cuando encuentra dificultades. Su familia entró en una situación complicada y la conocimos cuando sus hijos empezaron a participar en nuestros proyectos de infancia. María no se rinde y siempre ha luchado por dar pasos hacia delante aunque el camino se complique. No queremos que ahora María se quede fuera. Ni María, ni nadie."

A historia de Ramón: "Lo conocimos cuando vino a formarse para trabajar en el sector de la hostelería. Es un chico entrañable y con mucho carisma. La empresa donde realizó sus prácticas no tardó en reconocer su talento y al terminar ya estaba contratado. A los seis meses firmó su primer contrato como indefinido y seis meses más tarde ya estaba en posición de ascender a encargado de cafetería."

A derradeira historia que protagoniza esta campaña é a de Ngone: "Ngone es una mujer muy risueña. Le encanta preparar bizcocho para compartir con sus compañeras del curso de español. Le ha costado mucho encontrar quien le alquile una vivienda, pero ya hace casi un año que firmó, con una gran

Queríamos decirte, que en medio de esta situación extraordinaria provocada por el COVID-19...

TÚ TAMBién ERES CASA

Eres "casa" cuando luchas para que NADIE se quede atrás. Cuando defiendes y demuestras que la diversidad nos enriquece. Cuando frenas las mentiras y discursos de odio. Cuando reivindicas y defiendes los Derechos Humanos y los Derechos de la Infancia. Cuando colaboras para que las personas en situaciones más vulnerables puedan salir de esta crisis. fundacionjuans.org/tutambienescasa

#Mira #Emociónate #Cuida #Transforma

Colabora ¡GRACIAS!

sonrisa, su primer contrato de alquiler."

Nestas difíciles circunstancias, dende JuanSoñador tamén queremos agradecer o traballo e a implicación que continúan amosando os equipos educativos e de xestión: "Os equipos educativos das nosas vivendas de nenos, nenas, mozos e persoas migrantes seguen traballando con medidas que extreman as precaucións; e o resto dos equipos continúan teletraballando e coidando que a atención siga sendo igual de próxima e de eficaz".

Moitas grazas por seguir compartindo este camiño ao noso lado, mesmo cando nos toca transitar por lugares descoñecidos e de incertezas que ninguén esperaba. Moito ánimo.

FUNDACIÓN JUAN SOÑADOR



Ngone es una mujer muy risueña. Le encanta preparar bizcocho para compartir con sus compañeras del curso de español. Le ha costado mucho encontrar quien le alquile una vivienda, pero ya hace casi un año que firmó, con una gran sonrisa, su primer contrato de alquiler.

**No queremos que ahora Ngone se quede fuera.
Ni Ngone, ni nadie.**

#TúTambiénEresCasa cuando defiendes los Derechos Humanos y colaboras para que todas las personas tengan una vida digna.



María es una mujer muy comprometida, que se preocupa por sus hijos y busca soluciones. Su familia entró en una situación complicada y sus hijos empezaron a participar en nuestros proyectos de infancia. María no se rinde y siempre ha luchado por dar pasos hacia delante aunque el camino se complique.

**No queremos que ahora María se quede fuera.
Ni María, ni nadie.**

#TúTambiénEresCasa cuando colaboras en el apoyo social, educativo y psicológico de niñas, niños, jóvenes y familias que lo necesitan.



Ramón se formó para trabajar en el sector de la hostelería. La empresa donde realizó sus prácticas reconoció rápido su talento y al terminar ya estaba contratado. A los 6 meses firmó su primer contrato como indefinido. Es un chico entrañable y con mucho carisma.

**No queremos que ahora Ramón se quede fuera.
Ni Ramón, ni nadie.**



#TúTambiénEresCasa cuando colaboras en la formación de jóvenes en situación de vulnerabilidad y en proyectos de orientación e intermediación laboral.



ANPA

Neste curso 2019-2020 a Anpa realizou distintas actividades tanto para o alumnado como para as familias, intentando sempre favorecer as relacións entre estas e a comunidade educativa pastoral... Entre elas cabe destacar a chocolatada de Nadal, a visita dos Reis Magos á escola, as colaboracións con varias asociacións coma Salesiani Luci Augusti ou mesmo co barrio onde se ubica o nosa escola colaborando coa asociación de comerciantes da Milagrosa no Nadal.

Tamén o concurso de taboleiros para os alumnos e as alumnas da ESO, acompañando nos bos días de principio de curso e da semana de María Auxiliadora, gozamos e divertímonos na festa de Entroido este ano en colaboración co centro xuvenil Ateibo...



SALESIANI LUCI AUGUSTI—SLA

A Asociación Salesiani Luci Augusti / Salesianos do lugar de Augusto), a pesar de suspenderse a festa do Arde Lucus, seguiu a traballar na mellora da súa recreación histórica durante este confinamento de cara ao vindeiro ano.

O bo humor e as boas relacions deste grupo fixo posible sacar máis dun sorriso e proba disto son os momentos plasmados polos socios coa vestimenta romana e realizando distintas actividades na casa baixo o lema “NOS PVGNAMVS A DOMV”



PIC•COLLAGE



SALESIANI LUCI AUGUSTI—SLA



AGRADECIMENTOS

LIMPIEZAS

Ramos Lourés

659 718 582 // 686 935 595

Rei Don García, 91 bajo - Lugo // ramosloures@hotmail.com // www.ramosloures.es



Servicio eficaz las **24 horas** en **desatascos, trabajos de altura y limpiezas**

Desatascos fregaderos, etc.

Limpieza de incendios

Pintado fachadas y patio

de luces 'sin andamios'

Limpieza de canalones

Cámara de inspección de tuberías
y localizador de arquetas

TRABAJOS

Albañilería en general, canalizaciones y arquetas

ABOGADOS
JACOB VÁZQUEZ

Jacobo Vázquez Rodríguez
ABOGADO

Tf. 982 265 107 · Fax 982 265 214
Avda. das Américas, 1-3, Entpta. H - LUGO
jvabogados@gmail.com · www.jvabogados.com



EMPRESA HER - VEI, S. L.

Grupo: Luarca Bus, S. L. - Taxi Mocha - Autobuses J. Garcia

Servicio Regular LUGO - FONSAGRADA (Lugo) / GRANDAS - NAVIA (Asturias)

Servicios discrecionales (de 9 a 60 plazas). Vehículo adaptado a minusválidos. Taxi (5 a 9 plazas). ESTACIÓN DE AUTOBUSES, ofic. I
Teléfs. 982 22 29 00 - 982 35 40 20 - 636 95 28 91 - 659 68 56 98 - Fax 982 25 43 77 - 27002 LUGO - Email: garcia@her-vei.com

AGRADECIMENTOS



LIBRERÍA SALESIANA
TEXTOS ESCOLARES

Especialidad en:
Temas Religiosos, Valores, Tiempo Libre,
Auto-Ayuda, Libro Infantil y Juvenil

Reserva de textos escolares
Telf. 981 227 603 - Fax 981 217 011
E-mail: info@librerisalesiana.es
Web: www.librerisalesiana.es

Avda. Pedro Barrié de la Maza, 11
15003 A Coruña



Taberna Típica
A Taberna de Marcos

Especialidades:
Bacalao a la Portuguesa
Carnes a la Brasa
Chuletones y otras especialidades
COMIDAS PARA LLEVAR

Milagrosa, 64 - 27003 LUGO - Teléfono: 982 21 66 83



ELECTRICIDAD ESPÍNEIRA Y BRAN, S.L.
Instaladores autorizados nº 792 y 733
Inst. Autorizado Telecomunicaciones nº 10988



TINO PRADOS Nº13 Bajo - 27004 - LUGO
Tfn: 982 10 17 13
Fax: 982 20 44 71
Móvil: 647 757 463 - 679 19 22 29
Mail: espibran@espibran.com
www.espibran.com



info telecos
SERVICIOS INFORMÁTICOS PARA EMPRESAS

Avda. das Américas, 1 Ent. J - 27004 LUGO
Tel. 982 210 251 - Móbil 620 068 211
infotelecos@infotelecos.com
www.infotelecos.com


ALPER

claudioalvarez@alpergas.com

Fontanería, calefacción, gas
y REFORMAS EN GENERAL

REPARACIÓN Y VENTA DE
CALDERAS

C/PERPETUO SOCORRO, 7 BAJO
27003 -LUGO
Tfn.: 982-813-762 Móvil: 646-007-206



#NESTE VERÁN MÁIS CA NUNCA

CAMPAMENTO URBANO

XULLO: 1-24

SETEMBRO: 1- INICIO
DAS CLASES

2020

COLEXIO DIVINA PASTORA
SALESIANOS LUGO

PARA TODAS
AS IDADES!!

INFANTIL E
PRIMARIA*: 10:00 A 14:00

ESO: 11:00 A 14:00

XOGOS
DEPORTES
OBRADOIROS
SAÍDAS

MÁIS INFORMACIÓN:

 CXATEIBO@GMAIL.COM

 633 674 528

* SERVIZO MADRUGADORES: 9:00 A 10:00





salesianos
LUGO

Praza da Milagrosa, 10
27003 LUGO
982 214957
colegio@salesianoslugo.es
www.salesianoslugo.es